


საქართველოს პატრიარქი

იუმორისტ.
ჟურნალი

№ 19



იროდიონ ევლოშვილი.

2 მაისს, ხანგრძლივი ავთმყოფობის, შემდეგ გარდაიცვალა მგოსანი იროდიონ ევლოშვილი.

ევლოშვილი დაიბადა სოფ. ბოდბისხევში, მთავარ დიაკვნის ისაკ ხოსიტაშვილის ოჯახში 1873 წელს.

პირველ-დაწყებითი სწავლა მან თელავის სასულიერო სასწავლებელში მიიღო, საიდანაც გადმოვიდა სასულიერო სემინარიაში. აქ მან მხოლოდ მესამე კლასს მიახწია, საიდანაც დაითხოვეს არა კეთილ-საიმედობისათვის.

სამწერლო ასპარეზზე ევლოშვილი დახლოებით 1900 წლებში გამოვიდა. თანამშრომლობდა უმთავრესად ჟურნალ „კვალში“ სადაც იბეჭდებოდა მისი ლექსები და ავრეთვე სახუმარო ფელეტონები „რიგოლეტოს“ ფსევდონიმით.

1907 წლიდან, ირ. ევლოშვილმა გასწყვიტა კავშირი ევრედ წოდებულ „მესამე დასთან“ და სავსებით გადავიდა ქართველ ნაციონალისტთა ბანაკში.


— ლი.

თათბირი.

(ძველი არაკი)



ეზმაკი.



სამშობლოს შეილება

(რუსულიდან)

ფრანგებმა ომში დაღუპულ მეომართა შეი-
ლები გამოაცხადეს „სამშობლოს შეილებათ“. მათ სახელმწიფო შეინახეს და აღზრდის თავის ხარჯზე. თითოეული ბავშვი მიიღებს იმ აღზრდას, რომლის მიცემა შეეძლო მისთვის მის მშობელს.

ოფიციალურ საბუთებში ბავშვები ასე იქნებიან მოხსენებული: „სამშობლოს ვაჟი“, ან „სამშობლოს ქალიშვილი“.

ასე აფასებენ ლამაზ, საყვარელ და გონიერ საფრანგეთში სამშობლოსათვის თავდადებულ მეომართა ღვაწლს.

როდესაც „სამშობლოს შეილების“ შესახებ ვახეთში ცნობა წაუკითხე, თვალ წინ წარმომიდგა ორი სცენა მომავალი დროებიდან; ორი სცენა ორი ქვეყნის ცხოვრებიდან.

სცენა პირველი.

მოქმედება სწარმოებს ქვეყანაში, სადაც, როგორც ამბობენ, ვაჟრები მცხოვრებლებს არ სძარცვავენ, სადაც მოიჯარადრეები არ ოინბაზობენ, სადაც ინტენდანტები არ ქურდობენ, სადაც პოლიტიკოსები არ პოლიტიკანობენ, სადაც ინტელიგენცია არ ლოთობს და სხვა...

— თქვენ ობოლი ხართ?

— არა, ბატონო, მე ობოლი არ ვახლავარ. მართალია, მე მამა არა მყავს. მამა ჩემი გვირის სახელით დაიღუპა ვერდენთან ბრძოლაში, მაგრამ ე დამრჩა ღვიძლი, მოყვარული დედა, ეს დედა დიდებული საფრანგეთია. მე ობოლი არა ვარ.

— თქვენ მამა ვახსოვთ?

— რასაკვირველია, მახსოვს. ის ინჟინერი იყო, როდესაც ომში მიდიოდა, სიხარულით ამბობდა: „რა კარგია, რომ ინჟინერი ვარ, ახლა ინჟინერები ყველაზე უფრო სასარგებლონი არიანო“.

— არ ეშინოდა, რომ ბრძოლაში მოკლავდნენ?

— სრულებითაც არა. ჩვენს დროში ბევრს არ ეშინია სიკვდილისა. ყველაზე მეტათ ცოლშვილის მომავალზე შიშობენ. მამა ჩემი კი ამბობდა: შეილებო, მე არ ვშიშობ თქვენს მომავალზე. მე ჩემს მოვალეობას შევასრულებ საყვარელი სამშობლოს წინაშე და დარწმუნებული ვარ, რომ სამ-

შობლოც შეასრულებს თავის მოვალეობას ჩემს წინაშე“. მამაჩემი არ მოტყუებულა.

— შეასრულა სამშობლომ თვის მოვალეობა?

— რასაკვირველია! განა დიდებულ ქვეყანას შეუძლია დავიწყოს თავის მოვალეობა? მამაჩემსა სურდა, რომ მე ინჟინერი გამოვსულიყავ. დიდებულმა საფრანგეთმაც შეასრულა მამაჩემის სურვილი. მე ინჟინერი ვიქნები, ჩემი უფროსი ძმა მასწავლებელი იქნება. ჩემი პატარა დაიკო ჯერ კიდევ პირველ დაწყებით სკოლაში სწავლობს და არ აღუჩევია მომავალი ცხოვრების გზა, მაგრამ შეუძლია გულდამშვიდებული იყოს თვის მომავალზე. მის მომავალზე თვით დიდებული საფრანგეთი ზრუნავს.

— როდესაც ინჟინერი გახდებით, შემდეგ რას აპირებთ?

— როდესაც ინჟინერი ვაგხდები, მაშინ მამა ჩემსავით სამშობლოს ვემსახურები მშვიდობიანობის დროს. ღმერთმა გვაშოროს, და თუ ომი ატყდება, მეც მამა ჩემსავით დიდი სიამოვნებით შევსწირავ თავს ჩემს ძვირფას, საყვარელ დედას — საფრანგეთს. სამშობლოსათვის სიკვდილი ხომ დიდი ბედნიერებაა.

სცენა მეორე.

მოქმედება სწარმოებს სასამართლოში. სხედან ნაფიცი მსაჯულები, მაყურებლები. ახალგაზრდა ვეკილი გატაცებით ლაპარაკობს:

— ბატონო მსაჯულნო. თქვენს წინაშე სდგას ახალგაზრდა ქალი. მის სახეზე, როგორც სარკეში, ნათლათ აღბეჭდილია მისი წარსული, მაგრამ საუბედუროთ არაფერ კარგს არ გვეუბნება მისი სახე.

ამ სახეზე თქვენ ხედავთ ლოთობისა და გარყვნილების ნიშნებს. იაფი საღებავისაგან, რომელსაც ეს საცოდავნი სახეზე ისვამენ, პირის კანი უღროვოთ დაბერებული და გაფითრებული აქვს.

მას მძიმე ბრალი ედება. მან შეიტყუა თავის ბინაზე ვაჟარი, დაათრო და გაძარცვა.

ბატონო მსაჯულნო! ვერ ვბედავ ვითხოვო ბრალდებულის გამართლება. დანაშაულობა ძალიან ნათელი და აშკარაა... მე მხოლოდ მის შებრალებას ვთხოვთ.

ბრალდებული ყოველთვის ისეთი არა ყოფილა, როგორსაც ამ ქამათ ხედავთ.

ის დაიბადა ინტელიგენტურ ოჯახში. მამა მისი კარგათ ცნობილი ვიქილი იყო. მდიდარი არ იყო, მაგრამ კარგათ ცხოვრობდა.

რვა წლამდის ბრალდებული მაშის ოჯახში იზღებოდა. ჰყავდა გამდევლები და მასწავლებლები. მას ასწავლიდნენ უცხო ენებს და მუსიკას.

მაგრამ მას შემდეგ, რაც მამა ომში მოუკლეს, ყველაფერი უკუღმა დატრიალდა. ოჯახი უსახსროთ დარჩა.

დედამ კანტორაში ადგილი იშოვა და ერთხანს ამითი არჩენდა ოჯახს... მაგრამ ჯაფა ვერ აიტანა, ავით გახდა და ლოგინათ ჩავარდა.

გაქვირებამ თან და თან უფრო შებოჭა უბატონოთ დარჩენილი ოჯახი...

ექვს ოთახიდან სამში გადავიდნენ. შემდეგ ერთში. ბოლოს იქამდის მივიდა საქმე, რომ კუთხეში მოთავსდნენ.

დახმარების იმედი არსაიდან იყო. ჩვენში ხომ ყველა თავისი თავისათვის ზრუნავს. ყველა იმის ცდაშია, რომ თავის სასარგებლოთ რაც შეიძლება მეტი ლუკმა წააგლიჯოს სხვას.

ყველა ცდილობს, რაც შეიძლება მეტი მოიპაროს, მეტი წაჰგლიჯოს... ვიღას სცალია სხვაზე საფიქრალათ?

დედა მალე გარდაეცვალა. სრულიად ობლათ და უმწეოთ დარჩენილი ქალიშვილი ქუჩის მსხვერპლი შეიქნა. მაშინ ის მხოლოდ თორმეტი წლისა იყო.

ცამეტი წლისა უკვე ლოთობდა. ლოთობის მასწავლებლათ ვილაც მოხუცი ყავდა.

მერე ეკოვსკები და დიუ-ლიუები ჩვენში ხომ იშვიათი ხილი არ არის. ერთს ამხილებენ და ათასები საიდუმლოთ განაგრძობენ გარყენილებას.

ხუთმეტი წლისას მძიმე სენი შეხვდა. მიზეზი ვილაც ინტელიგენტი იყო...

ერთი სიტყვით, საქმე ისე წავიდა, როგორც წესია ასეთ შემთხვევაში...

ბატონო მსაჯულნო! ბრალდებული ამ ქაშათ მხოლოდ ოცი წლისაა. მაგრამ თავისი მცირე არსებობის განმავლობაში მან ძალიან ბევრი ტანჯვა განიცადა.

გთხოვთ ბრალდებულის შებრალებას, მამა მისი ხსოვნის გულისთვის, რომელიც გმირულათ მოკვდა ბრძოლის ველზე... გთხოვთ..."

გაგრძელება საქმე აღარაა. მკითხველი თითონ მიხვდება, შეიბრალებდა სასამართლო ბრალდებულს თუ არა...

ოლ. დ-ორი.

გამოცანა

ერთსა რასმე მოგახსენებთ
მართლაც საფიქრელიაო
ამას მალე ვერვინ ახსნის,
თუმც არც დიდათ ძნელიაო.

ზოგიერთა კეთილ კაცი,
ვინმე საკვირველიაო,
თავ განწირვით კალმით იბრძვის
გაზეთის მშრომელიაო.
ორ ძმათ შუა ღვარძლსა სთესავს,
წამჩხუბ-წამკიდველიაო,
გაიძახის: ხალხი მიყვარს
ჩემივე ქართველიაო...
ეს სომხები ვინ არიან?
დაგვსვეს ცარიელიაო,
ადგილ მამული წაგვართვეს,
ტყე, მინდორი, ველიაო,
ამისათვის ვინმობ ქართველთ
მათგან შევლას ველიაო,
იმედი მაქვს მომყვებიან
ვიდრე ხალხი ბნელიაო,
კავკასია ჩვენ გვეკუთვნის,
ჩვენი ძველთა ძველიაო,
თითქმის ესეც ჩამოგვართან
გამოგვღადრონ ყელიაო.

აქ მეორე მუსაიფობს:
საქმე სასურველიაო,
სომეხი ვარ და სომხებსვე
მსურს შეუწყო ხელიაო,
რათა სომხის სისხლით ირწყვის
ბრძოლის მინდორ ველიაო...
ქართველებთან შეერთება
განა ხელ-საყრელიაო?...
მსურს იგინი გავაძეო
დავრჩე ქვეყნის მცველიაო...
ჩვენ ვაჭრობა კარგი ვიცი
ის კი, მხოლოდ მხენელიაო.
დღეს ქვეყანას ვაჭრობა ჰქმნის
მისი საფუძველიაო...
აბა მითხარ, მათი ძმობა
ნეტავ რისა ბქნელიაო,
ჩვენზე ერთით მიდიან,

გოგრა ცარიელიაო,
ჩვენთან ბრძოლას როგორ ბედავს,
ხომ იციან ძნელიაო,
მეც მოვიხმობ მეომრებსა
მყვანან დამფარველიაო.
თუ კი მათ ჰყავთ ბნელი ხალხი
ჩვენ კი გამოგველიაო?!

ნეტავ, როდის მოისპობა
ორ ძმათ შუა გველიაო,
წელში ორათ მოხრილ გლეხმა
მოიმაგროს წელიაო.
არ ფიქრობენ, ირგვლივ მტრები
გვაღვას როგორც მგელიაო
ძმურათ მივსცეთ ხელი ხელსა
გველის განსაცდელიაო,
აბა ეშმაკ როცა ახსნა
მარდათ დასძარ ხელიაო,
ამისთანა ხალხისათვის
მათრახი გაქვს მწველიაო.

ან. განჯის-კარელი.

დამღუპა ჩამადანმა.

(გურჯაო სცენა)

არა, რა მინდოდა, რომ ავბუნძულდი და სა-
ადგომოთ სოფელში წევედი? ნუ გეშინია, არ წა-
მიღია საწყალი ნენაიზა დაქუტკული პოლსაპოჩ-
კები, კაბები და თავშალი! ერთი წელიწადია ვპირ-
დებოდი ჩემ ძამიას, ბიჭო, თუ მეტი არა, ერთ
ჩაღვარღვალეზულ ბლუზას კი ჩამოგიტან სააღდგო-
მით მაინც მეთქინ. არ შეგეჭამოს ქირმა, გზის ფულს
ძულათაი მუუყარე თავი, დევიდევი ზრუგზე ხე-
ლები და გუუყევი გურიაში. წასვლას რომ ვაპი-
რობდი, უკვებ მევიფიქრე: ბიჭო, შენსას, კაი, თუ
გინდა, ყველამ იცის შენი ამბავი, მარა ქვეყანა
ასე კი არ იტყვის. იტყვიან: საცოდავო ლუკაია,
მაგისანე შვილი წამოგეწია, აგერ სამი წელიწადია,
საწყალმა დედა მისმა, ათასჯერ კაბა გაყიდა და
გზაზე დააყენა, ახლა, დუუდვია ზრუგზე ხელი და
ერთი ჩლუქი არ მუუტანა, ისე ჩამოტენტერდა
შინო. — აგი, როგორც გინახავს ფინდიხი ისე გა-
მიეღვა თავში. დიდხანს ვიყავი გაშტერებული,
კაღამ დაებრუნდი, მარა ბოლოს მევიფიქრე: მოდი,

მე რომ დიდი ძველი ჩამადანი მაქ, იმას გავაფსებ
რამით და წვეილებ, ვინც შემხედავს, ქე მაინც
ეგონება, რაცხა მიაქ ჩამადანითო.

მოფიქრება და ჩამადანის ლოგინის ქვეშიდან
გამოთრევა ერთი ვქენი; რა მქონდა შინ წასალები,
რაც ვარგოდა, ყველაი ტანზე მეცვა, მარა იცოც-
ხლე მე გავბესკენ ჩამადანი: თუ სამე მქონდა ძვე-
ლი რამე, შით გოუძახე ყველას, ჩავბეკენე, დავკილ-
ტე და შეგკონე. მოგეცა ლხენა, კაი ერთი ფუთის
სიმძიმე გამევიდა.

— ნასილჩიქ!! მეთქი, დუუძახე და ვაგონში
ღლეთა გავაყენებო. კაი ექვსი შაური გადამაშლე-
ქია ნასილჩიქმა. ბიჭო, ვუთხარი, რამ გადაგრია
ბიჭო, ექვსი შაური რა ამბავია მეთქინ... რა ვქნა,
ბარინ, გაძვირებულია ყოლიფერი, დარღანელი
დაკეთილიაო. რას ვიზამდი, მივეცი, ახლა ხალხის
არ მცხვენია, ნაცნობებმა რომ შემხედოს, იტყვიან,
რაცხა ქე მიაქ ჩამადანით სახლშიო, მარა მე ვწუ-
ხვარ კაცი, ვიცი ამ ჩამადანის შინ მიტანა დამიყ-
დება ზუთი მანათი და შით მანათის აფერია... ვი-
ძახი და ვიძახი სტანციებზე—ნასილჩიქ, ნასილჩიქ-
მეთქინ და ვაძლეე ექვს-ექვს შაურს. ჩამოვედი რა-
ვარც იქნა საჯავოხოში. მოცვინდენ იზბოშიკები,
წაავლეს ჩემს ჩამადანს ხელი და მიაპწიალებენ...
მე უყვირე: ბიჭო, ასტაროყნათ წვილე, შით რაცხა-
რაცხებია გასატეხი და არ გატყდეს მეთქი...

— აააა!.. ჩვენს ლუკის გუუმარჯოსო, მომ-
ცვინდენ ყოველ კედრიდან ნაცნობები—კაცო,
ფარცაკი რამე არ მიგაქ მაგ ჩამადანით, ასე რო
უჯავრდები იზბოშიკსო!..

— აფერი, რაცხა ნაპიტკები და ზღობნები
მიმაქ მეთქინ!

— აღდგომას შენსას ვართ ვიზიტზე აბაო...
ვაიმე, დამცხელა ტანში. გულში ვამბობ, თქვენი
ოჯახი დეიქცა, ნაპიტკები კი არა ძველი პერანგე-
ბით და წიგნებით არის გატენილი, რა ოხრობამ
მათქმია აი ნაპიტკები და ზღობნები, ხომ დევილუ-
პე, მართლა თუ მევიდენ მეთქი... რას ვაზამდი...
მივედი იზბოშიკთან და ვუთხარი:

— ბიჭო, უკანა აღვილი თუ გაქ, თვარა
ისტე არ ჩაყდები ფაიტონში, წინე არ მინდა მეთ-
ქინ..

— კი, ბატონო, კი მაქო... იცოდე, მერე
რომ იცით ბარიშნების ჩამოყენა და ჩემი წინ გაღ-
მოყენა, იმას არ ვიზამ მეთქი.



მუჯღლუგუნია.

ოჰ, ნეტავ ეს რა კაცია
მუჯღლუგუნსა რო ჰკრავს „ძრიელს“
აბლაკატთა მამამთავარს
ცნობილ ბესო სამტრედიელს???!!

ვინ უბედავს? ვინა მეთქი?
მას შეეხოს? (ისიც ხელით!!)
ოჰ საბრალო! ამ შეხებას
უზღავს მძიმე სასყიდელით!

ის ახლავე დასწერს თხოვნას...
(ან უკეთ ვსთქვათ „პრუშენიას“
არა ერთი შეუქმნია
იმის „ტალანტს“, მის „გენიას“!)

და მთარმევს „გოროდოვოს“
ამა და იმ მუხლის ძალით.
არა გჯერათ? ამგვარი რამ
მეც მინახავს ჩემის თვალთ!

მაგრამ დახეთ უბედობას!..
მას სცემს თითონ „დახმარება“
და საღ ძალოქს „პრუშენიას“
მწუხარების გაქარვება?!!

ბედმა მისცა ქირისუფლად
მას გიორგი და ბუკია...
(როგორც ხედავთ „საბრძოლველი“
კიდევ დაჰკრეს მათ ბუკია.

— არა, ბატონოვო.— ჩავეყედი შით, გვეცი-
ვალე პატარე თუ არა, მევიდა ორი გამოპოვოლი-
კებული ბარიშნა და, აბა, ერმილა ხომ გაქ ადგი-
ლიო.

— ჩაბრძანდით ბატონო, როგორ არაო... მე
სათ მიშობ კაცო მეთქი.

— თუ კაცი ხარო, დამელარჯა, უკანე ად-
გილი დუუთმე, ქალებია, მოსარიდებელი, შენ წი-
ნაზე გადმოყედიო... რა მექნა .. ბარიშნებმა სულო
კოდვილო, ბოდიში ქე მოიხადეს, რო მეწყინა...
ნიჩავო, ბარიშნებო, ეს ჩემი ადგილია, ღმერთს
ჩემდა სულ წინა ადგილი დუუმწესებია მეთქი.

რავარც იქნა ჩევედით ჩოხატაურში... იზბო-
ჩიკმა სამი მანათი მომთხოვა. რა თავს იგდებ, თუ
იცო მეთქი, მაინც კი ვარ გაჯავრებული, წინა

ადგილი და უკანა ადგილი ორივე სამი მანეთი რა-
ვა ღირს მეთქინ... რა ვქნათ ასეა ტაქცია... წინე
და უკანე სულ ერთია, ორივე სამი მანეთი ღირ-
სო... ღმერთმა დააქცია შენი ტაქცია მეთქი და
მივეცი, რაღას ვიზამდი... რავარც იქნა აფეოროთხ-
დი შინ... ვიანგარიშე და ჩამადანი დამიჟდა შინ
მიტანილი კაი სამი მანეთი... მომთხოვართქალდენ
შინ, წამუუსვეს ხელი ჩამადანს, ემძიმენ.

— ნენა, რაია ამისიმძიმე ამაში? მკითხა დე-
დამ.

— რაცხა სარეცებია მეთქინ... ცოტა კი მე-
იწყინა ავი რომ ვთქვი, მარა მერე მითხრა: ღმერთს
ვმადლობ შენი თავი რომ დამანახვა, შენ იყავი
კარგათ და სხვას აფერს ვჩივიო... სალამოს მუუ-
ყევი, ასეა ქალაქში—სიძვირეა, ჯამაგირი საქმელ-

ში მებარჯება, მეტი აფერი მრჩება მეთქინ, დამი-
ჯერეს, ამას მაინც კი ვამბობდი მართალს, სხვაი
თვარა — დალოცოს ისთველე ღმერთმა სოფელი...
კილომ იქინე თუ იშონი კაცი რამეს მადლიანათ...
აი, ადესაის ღვინო, გოჭი და ხან ღომის ღომი და
ხან ღერდილეს ღომი ქე ვიშონე ამ პრაზნიკებზე
და მეტი რა მინდოდა... აღდგომას გოროდის პრა-
ვილაზე ვიზიტი მინდოდა გამეკეთებია მეზობლებში,
მარა ნენამ არ გამიშვა. მითხრა:

— ნენა, დღეს დაგინახე და დღესაც სხვისას
მირბიო.

— შენ არ იცი ნენა აფერი, ვიზიტები დღეს
უნდა მეთქი...

— არა, ხვალ-ზეგ წადი, კი მიესწრებიო. რას
ვიზამდი... ვაფერდი... გულში ქე გამიხარდა ცო-
ტა. ვიფიქრე, დღეს, აღდგომას ყველას აქ საქმე-
ლი, ხვალე უკეთესია, თუ ვინმეს რამეს გამოვრჩები
მეთქინ ავდექი ნააღდგომეს და ჩამოვიარე ნაც-
ნობ-მოყვრები... ქრისტე აღდგა, ქრისტე აღდგა!..
მეთქი ვულოცე ყოლიკაცს — მარა ქეშმარიტათო,
არაკაცი არ მეუბნებოდა. ვიფიქრე — ავერ გამეი-
ტანებენ პასკას და გააწყობენ სტოლს, ორი წე-
ლიწადია არ უნახავარ ჩემ მოყვრებს მეთქინ, მარა,
შენც არ მომიკვდე... ვინ სიძვირის ამბავი წამომიწე-
ყო, ვინ გადასახადის, ვინ ვინაში შვილი დამიქ-
რესო, ვინ ქე მომიკლესო და ვინ რა ვიცი... სტო-
ლის გაწყობა კი არა, მეც გული ამიტრდა იგენის
სიკოდვით... ბოლოს მეზობელ უჩიტელიცასან მი-
ვედი ამბავს ვკითხავ, რას შობა, როგორ ცხოვ-
რობს მეთქინ... დავედეით ეზოში, ვიქუქუნეთ...
მამა მისი სახლის წინდამ ქე თოხნიდა რაცხას...
ბოლოს ქარი ამუარდა და სახლში შევედი, ქარ-
მა კარები ქი წამოგვიხურა. აი, დენახა თურმე
მამა მისმა თუ არა, მუარდა და მუუჯაჯგუნა კა-
რებს, რაფა ჩაგიკილტავენ კარები, გამოავდეთ მა-
გი წუწკი ვინცხა არის გარეთო. წამოუსვი ქუდს
და ვუღურთე ანგელოზ დაფთებულმა. მორე დი-
ლას, დევიწყველე თავი, გავტენე ჩემი ჩამადანი და
გამოვემგზავრე გოროდ ქუთაისში. ჩოჩატურამდი
კი წავადებზე ბიქს ჩამადანი და მერე ისე ჩამელია
გზის ფული, რომ არც ნასილჩიქიზა დამიძახია და
არც იზბოშიკიზა, მევიგდე ზრუგზე და ვთრაქე სა-
ჯავოხოში სტანციაზე, იქიდან ქუთაისში და ასე,
გაქვივრებულათ მევიარე სოფელი ჩემი ჩამადანის
გადაკიდულმა. დასწყევლოს ღმერთმა მისი მომგონი.

ლუკაიეს ობოლი.

რუსული ჟურნალიდან.



მსახური. მიკვირს ღმერთმანი, ჩემს ქაღალ-
ტონს რა კარგათ უხდება ეგ ვირის ყუ-
რები და მე კი არა.

რუსული ჟურნალიდან.



— პატივცემულო მეჩექმევე, ნებას მომცემთ
უმორჩილესად გთხოვოთ ჩემი ფესხაცმელის დაკე-
რება.

— ნუ თუ თქვენ ასე მდიდარი ხართ?

დეკემბერი.

ფოთი. ჩვენმა მხიფავემა*) დაწვრილებით გამოიკვლია ნახუტურში, სასაფლაოს გალავანში, გატაცებული საკურთხების საქმე. სასულიერო მთავრობა მას ცნობილ ყაჩაღს, სისონა დარჩიას, აბრალედა. მხიფავეს გამოძიებამ დაამტკიცა, რომ სულიერ მამებს საკურთხების უმეტესი და უკეთესი ნაწილი თავიანთ სენაკში**) მოუგროვებით და უმცირესი და უგლახესი ნაწილი კი საკურთხებზე მოდარაჯვე „ხალხს“ დარჩენიათ.

„მეორე საკურთხობა დღემ“ ახალ კვირის ორშაბათმა, უფრო მშვიდობიანათ ჩაიარა.

იქიდანვე. სასაკლავო უბანში „ანარხო სოციალისტ“ ნ. ჩხარტიშვილს თავის „მოდღვრების“ გავრცელების მიზნით დუქანი გაუხსნია, ვითომც კარტ-ნარდის და სხვა ამგვარების სათამაშოთ, მარა ნამდვილათ კი მისი „იდეური“ ამხანაგების თავშესაფარად, სადაც თურმე მუდამ იყრიან თავს და მსჯელობენ „ნება დაურთველ“ მოძღვრების განხორციელებაზე. ამავე ჩხარტიშვილს თავის ბინაზე დაუყენებია კიდევ ვითომ უბრალო მდგმური ქ-ნი „ფანტი“, მარა როგორც საზოგადოებას გაუგია ქ-ნი ფანტი ნამდვილი ინგლისელი „სუფრაჟისტკა“ ქალი ყოფილა, რომელიც თავის „მოდღვრებას“ მთელ ნახუტურის გუბერნიაში ავრცელებს თურმე მალულათ თუ ცხადათ. ამ ქ-ნს თურმე ისეთი „უცხო სტუმრები“ ეწვევა ხშირათ, რომ „ეკვი“ დაებადა ნახუტურელებს და ერთხმით დაუდგენიათ წინადადება მიეცენ ნ. ჩხარტიშვილს დახუროს თავისი „ანარხო სოციალური“ დუქანი და დაითხოვოს ქ-ნი ფანტი თავის ბინიდან, რომ ამით იხსნან

*) მხიფავეი—გრძნეული, რომლის თვალსა და გონებას ვერაფერი დაემალება სამყაროში და რომელსაც განსაკუთრებით მინდობილი აქვს სასულიერო უწყებათა საქმე საძიებლათ.

**) სენაკი—ხუცებისა და მოლაზნების საერთო ბინა ლოცვიდან დასვევნების დროს.

ნახუტური „განარხისტებისა“ და „გასუფრაჟისტკებისაგან“. ჩხარტიშვილი ყოყმანობს თურმე, მარა ქ-ნი ფანტი მტკიცე ვარზე დგას და საზოგადოებას „დუელში“ იწვევს.

იქიდანვე. მიწის ქვეშ გაყვანილ ტელეგრაფის საშვალეობით ცნობა მივიღეთ: რკინის გზის სადგურის მოსამსახურეები: ე. ი. სადგურის უფროსი, მისი თანაშემწეები, „კანტორშჩიკები“ ვესოვშიკები და „კლადოვშიკები“ შეერთებულან და იცავენ თავიანთ პროფესიის თანამომუშავე მალიგონს, რომლის დათხოვა მუშებმა კატეგორიულათ გამოაცხადეს. ამ შეერთებულ კავშირს გადაუწყვეტია: რათაც უნდა დაუჯდეს დაიცვან მალიგონი და დატუქსონ მუშები. კავშირის სარდლობა ელიავას უკისრია და ისეთ სტრატეგიას იჩენს თურმე მუშების დასამარცხებლათ, რომ მაკენზენსაც კი წააჯობაო. „სულშემხუთავი“ გაზების გარდა გამოუგონებია ამ ახალ სარდალს „გიპნოზი“, რომლის საშვალეობით საბრძოლველათ მომზადებულ მუშებს ამუნჯებს თურმე: მუშებს უსარგებლიათ თანამედროვე სტრატეგიით და მოგერიების მიზნით მიწა ამოუთხრიათ სადგურის უფროსის სადგომთან და შიგ ჩაძრომით უმაგრდებიან ყოველ მხრივ შეიარაღებულ მტრებს.

ბუტუნას სააგენტო.

დ. ხონი. სამხედრო მოქმედება თან და თან ძლიერდება. ლანდშტურმისტ მე—ეს ყოველ დღე მოაქვს სასტიკი ჩიერიშები ბაზარში და ქალაქის ბაღში. ზარალი დიდია. გალახულია 18 სალდათი და რამოდენიმე ობერ-ბარიშნები, განურჩევლათ სილამაზისა, ტანადობისა და მიხვრა-მოხვრისა.

ხონის საზოგადოებამ ერთხმით დაადგინა: 1) დაუყოვნებლივ დაიკეტოს ბაღის კარები, რათა ხალხი არ წააწყდეს აღნიშნული გმირის შიშველ ხმალს და წუთისოფელს არ გამოესალმოს. 2) მიღებულ იქმნას ზომები, რათა ხელმეორეთ გაშენდეს ბაღი, რომელიც მე—ის იერიშების დროს საგრძნობლათ დაზიანდა (ეს მხოლოდ მაშინ, თუ იგი პოზიციაზე გაიგზავნება); 3) ადგილობრივმა მეეტლეებმა თხოვნა გაგზავნეს შტაბში, რათა მათ სახელმწიფოთ დაეთმოს „შინები“, ვინაიდან გმირის მუდმივი ტარებით ერთიანათ გაცვეთილა.

გურული ბიჭი.

პატარა ფელეტონი.

ვაჭრების საუბარი

ორი ვაჭარი შეიბა.
 იმაზე ქონდათ მსჯელობა,
 თუ სანამ გასტანს ეგ ომი,
 ხოცვა, ჟლეტა და მკვლელობა..
 ერთმა. სთქვა არ მოედება
 სისხლის-ღვრას დიდხანს ბოლოო...
 მგონი, დაგვიდგეს იგი დრო,
 რომ მეც მტერს შევებრძოლოო.
 მართალი არის, მოგხუცდი,
 არა მაქვს მკლავში ძალოა,
 სამაგიეროთ საღი მაქვს
 შუბლი და თავის ქალოა.
 მეც გავაციებ ერთ ტყვიას
 მეომარს დავიფარავო,
 სხვა რალა უნდა სამშობლოს
 ჩემგან ხომ ესეც კმარაო.
 —მეო, დაიწყო მეორემ—
 სულაც არ ვშიშობ ომითო
 არც მას ვინადვლი სისხლის-ღვრა
 გაგრძელდეს თუნდა წლიობითო.
 შემოსავალი ჩემს დახლში
 მატულობს საათობითო,
 გული მაქვს გაწყალებული
 თვლა ანგარიშზე შრომითო.
 ჯიბეში მუდამ მიწყვიდა
 ფულეები ათასობითო,
 „კრედიტი“ აღარ მჭირდება
 და არც ვსარგებლობ ნდობითო
 სულ ნაღდზე ვყიდი, ვყიდულობ,
 არ ვიტყვი ტრამახობითო.
 მე პატიოსნათ ვმდიდრდები
 და არა თვალთ-მაქცობითო...
 მაგრამ ერთი რამ მაწუხებს,
 გულს მიკლავს ამა გზობითო:
 იქნებ მართლაც არ „დამბრაკონ“
 მე ჩემის მოხუცობითო...
 მაშინ ხომ დავიღუპება:
 რაც შევიძინე შრომითო,
 გავერანდება, ჩამივლის
 ვერაგობით და მტრობითო,

არავინა მყავს ნუგეში
 ყველას ვმზერ უნდობლობითო,
 დიდი ნოქარი ქურდია,
 იპარავს ათასობითო...
 —„რას ამბობ, ბუთხუზი ჯერ კიდევ
 უნდა გაგრძელდეს ჩხუბია,
 რამდენს მეტს გასტანს სისხლის-ღვრა,
 ჩვენთვის ის უფრო სჯობია!
 რას ვაქნევთ ხალხის გასაჭირს,
 რა გულის მოსალობია,
 ხომ იცი: ეხლა მყიდველი
 არ არის დასანდობია...
 აბა, რომელი კუბეცი
 მაგრე ტუტუტებრ იმჯელებს,
 თავის დასაკლავ დანასა
 თვითონვე ყელს მიაშველებს!
 ბუთხუზ-ჯან! ვილაც ჭკვიან კაცს
 უთქვამს ანდაზა ესეა:
 „სულელი მეგობარიო
 მტერზედაც უარესია!“
 ჰო-და, შენ უნდა ფრთხილობდე
 არსად წამოგცდეს აზრები,
 რითაც საქმეებს აგვირევ
 და ვიზარალებთ ვაჭრები!..
 ომი და მისი შეწყვეტა—
 ეს უფლის, მეფის საქმეა,
 შენ გამომდგარხარ და ყბედობ:
 სისხლის ღვრა სისაძაგლეა!..
 აბა, რა ნახე ზარალი
 საქონელ განაძვირები,
 უსიტყვოთ მიაქვთ მყიდველებს
 მოდის და მოდის ფულეები!
 ყველა: მდიდარი, ღარიბი
 მოვიდა ახლა ჭკუაზე.
 ხელავენ ომი გრძელდება
 არც ისინია უარზე,
 რომ ფული მეტი გაიღონ
 და შეიძინონ ნივთები,
 შენ ამას აღბათ ვერ ხელავ
 სრულებით არ უფიქრდები!..

და... უფრო კარგი, თუ ომი
დიდ-ხანს გაქიანურდება“!

აღბურიონი.

შეკითხვის გამო.

— „მართლა შეშინდი ლაჩარო!
ჩვენ ვინ გავგიწვევს ბრძოლაში,
ხნეობით რომ არ „დაგვბრაკონ“
მაინც არ მოვალთ ზომაში:
ჩვენ დაბლები ვართ და ღიბი
აჰა, რა ზორბათ გვკილია,
ჩემი ხომ არის და არის
შენი-კი უფრო დილია!..
არ გამოვდგებით, მერწმუნე
მეომრათ ბრძოლის ველზედა,

ისევ აქ გვიჯობს, ბაზარზე
ბრძოლა და ფულის გროვება,
ხომ ხედავ სულ სხვა წელია,
გამოიცვალა დროება.

— „სწორია, სიმართლეს ამბობ
ჩვენ უნდა შევეკრათ კავშირი,
რომ არაფერი დავატყდეს
ასეთ დროს ვნება და ქირი.
თუ-კი ლტაკი ერთდებამ,
მოჰფინეს სავაჭროები,
ჩვენს წინა-ღმდეგ იბრძვიან
ჯიბე-ფხინკ, უფულოები,—
ჩვენ რისთვის უნდა არ გვქიანდეს
სიმტკიცე, ამხანაგობა!

ფული ბევრია და ძალაც
ჩვენია, დიდი გვაქვს ნდობა“..

— „დიახ, კავშირი, კავშირი...
გავსწიოთ ავტაცია,
რომ დასაწყისში ჩავადრჩით
ღარიბთა „კოპერაცია“!
შევერთდეთ, პირი პირს მივცეთ
ძმურათ ვივაჭროთ, ერთობით,
გვახსოვდეს: ქალაქის „ლლასნებს“
საესებრით ნუ დავენდობით...
მეტი სიმტკიცით, კავშირით
საქმე კვლავ გამობრუნდება,

რა „ყანწების“ მკითხველები
არ მაძლევენ მოსვენებას,
და ჰგოდებენ: „როს ველირსოთ
ჩვენ პაოლოს „ალურ“ ქებას,
და რადგანაც იგვიანებს
„ყანწები“ და რედაქტორი,
განვიძრახე თუ არ დარჩა
„უმგზავსო და შორის შორი“
შევთხზა რამე სანიმუშო
„კისფერ ყანწის“ შესადარი
და მკითხველთა სიარულით
მოვასვენო სახლის კარი.

მიზაძვა.

შერეული პოეტობა
მერე ფილოსოფიაში
ისე მიყვარს, როგორც ხახვი
თვით ალაპის ლობიაში.


რუსთაველის პოეზია
და მუსიკა ბეთხოვენის,
„ალური“ და არ „ალური“
რა ღირსია ყურთა სმენის?

დრო მოქმული ხელოვნება,
თუნდ შექსპირის ტრაგედია,
ვით გამთბარი „ბინძურ მზისა“
ჩვენს სალოკავ ფეხქვეშ გლია.

რაა იგი ხელოვნება
თუ არ ხატავს ქვენა გრძნობას,
სქესობრივი ჟინის მოკვლის
საიდუმლოს გამოცნობას.

მსმენელთ თუ არ მოუწოდებთ
„სამრავლოთ და სამოქმედოთ“
რა გამოვა ძველებურათ
რუსთველივით რომ ვიყებდეთ.

ბუტუნა.



იმერული*) სცენა.

— პოსლი უროკა, კუდი მი პოიდემ ელიჩკა?
 — შენი რა ვიცო, ჩემო დაიკო, მეკი ნა ვაგ-
 ნომ პოვეზღე.
 — პაჩამუ, დუშკა?
 — პატამუ შტო, ნაცნობ პრაპორჩიკებს უნდა
 დავხდე.
 — ტი მნოგო 'ნაეშ იხ პრაპორჩიკოვ?
 — სტო.
 — შტო?
 — სტო.
 — ია ტოჟი პაიდუ, დუშკა.
 — რა მენადლეება, მი აღნი ხომ არ ვიქნე-
 ბით, ყველანი იქ მოდიან.
 — კი მარა ნაჩლენიცამ რომ დავვინახოს?
 შტო ბუდიტ, ა?
 — შენც დაიწყებ ერთი! როისიყო, რომ ნაშა
 ნაჩელიცა სლელილა ზა ნამი?
 — მართალს უნობ, ბოშო შენ. სამა ყურის
 საგდები, ჩვენთვის სად სცალია, ვოტ ეშჩო!
 — აი, გეყურება? ზვონიატ კიდევ. აი ერთი
 უროკი დავტიოთ და წავიდეთ.
 — უყურე, ბოშო, ნაჩალიცა, რაფერ გონიტ
 ყველას.
 — შენ ატ მენია არ მომშორდე. შევიდეთ
 და გამევიპართ. ანა შტო უზნაიტ.
 — ელენა, ჩტო ზადანო ნა უროკ?
 — არ ვიცო, დუშკა.
 — არ იცი და ედინიცას მოგარტყამენ.
 — პუსტ სტაეიატ, ოჩინ ნუჟნა! რა დროს
 ზანიატიეა, შენ ჩემო, ასეთ სიცხეში?
 — ნახე, ბოშო, რომელი საათია.
 — ჩერეზ პეტ მინუტ, გენაცვალე, როცა ზა-
 ზვონიატ მაშინ წავიდეთ.
 — კოხე ბოშო მაგ კაცს, იქნება ქე გამევი-
 და პოვეზღი.
 — რომელი ბარიშნა, ქვედლოური, თუ ზედო-
 ური?

— დლია მინე ვსო რაენო, ვაინი კი იყოს.
 — ასტაე ელა, ნუ სტოიტ სნიმ გაფარით.
 — შეხედე მარუსია, ერთი ამას პასმატრი...
 მოდის პოვეზღი შორაპნიდან.
 — სანიტარსკია, ბოშო, თუ ვაინსკი?
 — რა ვიცო, შენ ჩემო, ფსე რაენა რომელიც
 უნდა იყოს.
 — ია სვოი ბუკეტი რაზდამ მოიმ მილენკიმ.
 — სტარაისა, დუშკა; მართლა რას გვაწვა-
 ლებენ.. კაკოი ვრემა უჩიცა, პარა ნამ ეენიცა.
 — მოვიდა, ბოშო, შეხედე იმ ფარუჩიქს, ახ
 კაკაია დუშკა.
 — სესტრიჩკა! დაიტე აღნუ როზუ ესლი
 მოყნო.
 — მარუსკა, შეხედე ბოშო ვინ მთხოვს, შე-
 ხედე. ია ნიპრემენუ დალენა დატ.
 — ელიჩკა, იმას შეხედე, ბოშო, ეგერ გლა-
 ზამი რომ მარგაეტ. სადაა ახლა ჩვენი ნაჩალიცა!
 — ნუ გამახსენებ, დარაგაია, იქაც ნე ვინა-
 შუ ეგო.

პ. ივანდიდელი.

მთხსენება

ჩემო ნათლია ეშმაკო!
 მოყვასი თუ გენანები,
 თუ ბოროტება-შურიტა,
 ტარტაროზს დაემგვანები—
 ისმინე ჩემი მუღარა,
 ეს ჩემი ამოცანები
 და მომახმარე, შენს ნათლულს,
 ეგ შენი კულიანი.
 ხომ იცი, დარაზმულია
 კლუბები, რესტორანები,
 გაფიცულ მხარეულებსა
 წელთ გაურქვიათ დანები.
 არც „ანტრიკოტი“, „ბივშტექსი“,
 არცა „მცვრიანი მწვადები“,
 არცა საუზზე დილისა,
 ფაქიზათ განამზადები,—
 აო მირთმეგია ბატონებს
 ამოსაყორათ კუქისა
 და არის ხაზეინების
 მრისხანე ქნევა მუქისა.

*) მართალია ბევრს ეუბნებოდა ეს ახალი „იმერული“
 ენა, მაგრამ იმედია შინაარსის ინტერესით ენის სიმწელე-
 საც დასძლევენ. საზოგადოთ ამ ენაზე მოსწავლე მდებდრობი-
 თი სქესი ლაპარაკობს.

მაგრამ, ყველაზე მაგარი
სიხარულით ყოფილა.
ხაზინების ლაშქარში
გმირივით გამოყოფილა.

იქნევს და იქნევს მახვილსა,
ბიჭებს აღინა მტვერია
და ამბობს:—ვინ რას დამაკლებს,
„ეშმაკი“ ვინ ოხერია!

ხომ იცით, თითონ ვეტყვილიც
ბიჭებმა გააკოტრესო,
დასძინებოდა კრესლოში
და ჩუმათ სახლი მოსჭრესო“.

ფილოსოფია ამგვარი
ღიბს ღირსია ქებისა
და ეშმაკურის ძიებით
სარჩულთა განქიქებისა.

სიო.

—
ღანირი. ჩემო ბიძია, ეშმაკო!

კარგათ დამიგდე ყურია:
ღანირელ მამასახლისის
გამათრახება მწყურია.
მან იმა სოფლის გლეხები
აღარ დაინდო, აწამა...
გასთიშა ორ დიდ ბანაკათ,
მით ბევრი მწარე აქამა.
საერთო დუქნის გარშემო
ასტეხა დიდი ომია,
დაქსაქსა, დაანაწილა
სოფელი ფეხზე მდგომია.
თვითონ, ჩარჩების მხარეზე
გადადგა, საძაგელია,
(რამეთუ ქანქარს ელოდა
იმისი ჯიბე გრძელია).
ხახლი კი, ხალხი სწაწყალი
ჩააგდო გასაქირშია.
გული მიღელავს—ღანირში
მივდივარ, არ მაქვს შიშია.
ის ჩარჩი მამასახლისი
თუ შემხვდა ღელის პირშია,
არ უნდა ბევრი ჩიჩინი,
ჩავადებ გასაქირშია.

ჭაგნელი ბზიკი.

ღია ღერილი

ბ-ნ ისარს.

ბ. ისარო! ვისთვისაც უცხო ხილია ლიტერა-
ტურული ეთიკა და პასუხის მგებლობის გრძობა,
ის კალამს ხელს არ უნდა ჰკიდებდეს. ყოველი
თქვენი მოქმედება ამტკიცებს, რომ პასუხისგებას
გაურბინართ, რაც საპასუხო წერილშიც გითხარით.
ასე იქცევა ის, ვისაც სათქმელი არაფერი აქვს და
თავს დამარცხეულათ გრძნობს.

როგორც იქნა, ექვსი თვის შემდეგ დაასახელოთ
მედიატორები, უკეთ ვსთქვათ გაიძულათ „ეშმ.
მათრახის“ რედაქციის შკაცრმა განცხადებამ:—იძუ-
ლებული ვიქნები გამოვაცხეცნო თქვენი ნამდვილი
სახელი და გვარი შესაფერი განმარტებითო.

თქვენს მედიატორეს, ალ. ლორთქიფანიძეს
მე დავაბარე, რასაც, დარწმუნებული ვარ, უკლებ-
ლივ გადმოგცემდათ: ვუსვამ ბ. ისარს ოთხ ულტი-
მატუმს—1) რადგან ბ. ნოე კალანდაძის ნაცნობი
არავინ აღმოჩნდა მთელ სოფელში, შემატყობინოს
სად ცხოვრობს ის, რომ საშვალეება შექნეს შეგვ-
რიბო მის შესახებ ცნობები. 2) დამისახელოს მო-
ტივები, რატომ გადააყენა ჩემი მედიატორე ალ.
ლევაფა, რომელსაც კარგად იცნობს მთელი სოფე-
ლი და მის კეთილ-სინდისიერებაში, ვარდა ბ.
ისარისა, რავიანი მოწინააღმდეგეც ვერ შეიტანდა
იქვს. 3) უკანასკნელ წერილში ბ. ისარი სხვათა
შორის ამბობს—ფაქტი ფაქტათ დარჩება და თქვენ
ნაყოფიერ მოღვაწეობას ჩვენში ესეც მიემატებაო.
ეგ ფრაზა ადამიანის პიროვნების შემოახელოია,
ამიტომ მოვითხოვ მისგან დამიმტკიცოს იმავე სა-
სამართლოში სხვა ჩემი სათაჯილო საქმეებიც. ვაძ-
ლევ მას უფლებას შეეხოს ჩემს მოქმედებას სხვა
სოფლებშიც, თუ რომელიმე ადგილი არ იცის, მე
დავეუსახელებ და ზედ დავსქენ—ნუ ინებებს ბ.
ისარი ჩემს შებრალებას, მე ის არასოდეს არ შე-
მაბრალებია და ცხრა წლის განმავლობაში არა
ერთი და ორი მწვავე მათრახი უგემებია მას ჩემგან,
როგორც პირში ისე პრესის საშვალეებითაც, რა თქმა
უნდა საზოგადო საქმის ნიადაგზე. 4) დამისახელოს
ახლავე რწმუნებული, რადგანაც ბ. ისარი დაბალი
ღირებულების ადამიანად მიმაჩნია და მისგან მო-
სალოდნელია განზრახ წამოაყენოს რომელიმე ად-
გილობრივი ნაძირალა, რომ საქმე გააქიანუროს,

რასაც დიდი ხანია ლამობს, რადგანაც კარგად იცის, რომ მე ორი თვის შემდეგ მომელის ჯარში გაწვევა და თუ ეს ასე მოხდა, თუ სამუდამოდ არა, დიდი ხნით მაინც მესპობა საშვალევა ვაგებინო მას პასუხი. თუ მისი რწმუნებულის არ იქნება მისაღები, მოტივებსაც წავეყენებ. თქვენგან მივიღე შემდეგი პასუხი: ალ. ლეჟავა იმავე სასწავლებლის მასწავლებელია და მასაც იგივე ბრალი ედებაო. მე ამ ფაქტთან მაქვს საქმე და სხვებს არ დავეძებო. ჩემი რწმუნებულის რომ წამოდგება სამსჯავროში, ვერ შეხედავსა! ბ. ისარო! ალ ლეჟავა ჩვენს შკოლაში მასწავლებლობს ამ სამოსწავლო წლიდან ჯარში გაწვეულის მაგიერ, უმაღლეს შკოლაზე კი დაეა ორი წელია რაც დაიწყო; ყოველ შემთხვევაში, თუ ჩვენ ერთგვარი ბრალი გვედება, მაშინ, თუ თქვენ საზოგადო საქმე გაინტერესებდათ და არა კერძო ინტერესები, ისიც უნდა დაგესახელებიათ. „სხვა მის საქმეებს არ დავეძებო“—ახლა თქვენ არამც თუ დაეძებთ, დარწმუნებული ვარ, კიდევაც ნანობთ, მაგრამ მე დავეძებ — წერის დროს უნდა გეფიქრათ, რომ კალამმა ზოგჯერ პატრონის გაშოლტვა იცის. რწმუნებულის დასახელებაზე თქვენი პასუხი იმდენად უზრდელურია, მასზე ლაპარაკი მეტად მიმაჩნია. თქვენმა პასუხმა, რა თქმა უნდა, ვერ დამაკმაყოფილეს და ჩემი მოთხოვნები გაგიმეორეთ, რაზედაც თქვენ მიპასუხეთ: კატეგორიულ უარს ვაცხადებ ჩემს პასუხში ცვლილება შევიტანო, თუ არ მოსწონს სხვა გზით ეძიოს ჩემგან პასუხიო. ამის შემდეგ სამარცხვინოთ მივიჩნიე განმეგრძო თქვენთან მოლაპარაკება. ს. ლოლაბერიძის „აპეკუნობა“ ზედმეტია, თვითონ მან გამომიწვიოსო. მხოლოდ თქვენისთანა ბრძენს შეეძლო დაენახა ჩემს წერილში ლოლაბერიძის „აპეკუნობა“, ან რომელი სალი გონების ადამიანი ამბობდა უარს ეგო პასუხი ერთ-და-იმავე საქმეზე, რომელსაც სჭირდება ერთი და იგივე მოწმეები, თუ მოსახელებელია, ერთ დღეს! გაურბიხართ ბრალდების გარკვეულად დაყენებას—ალარ გედავებით ამ საკითხში, იძულებული შეიქნებით გაარკვევიოთ ის საქმის გარჩევის დროს.

ბ. ნოე კალანდაძეს ვლებულობ მედიატორედ, თუმცა ძლიერ გამიჭირდა მისი ვინაობის დანამდვილებით გაგება—სასურველი კი იყო ვინმე ადგილობრივი, რადგანაც, მწამს, მოწმეების პირად ნაცნობობას დიდი მნიშვნელობა აქვს მათი ჩვენების

შესაფასებლად. ალ. ლეჟავას მაგიერ ადგილობრივ დაეასახელებ მედიატორეს,—მხოლოდ მისი გადაყენების აზრიან საბუთებს კი მოვითხოვ,—თორემ, იქნებ, კიდევ მოგესურვოს გადაყენება და მით საქმე გაგრძელდება, რაც სანატრელია თქვენთვის. დანარჩენ მოთხოვნებს ვიმეორებთ უკანასკნელად პრესის საშვალებით, პასუხისათვის ვადას გაძლევთ ორ კვირას. დუმილი ჩაითვლება დამარცხებულად თავის გამოცხადებათ. მაშინ სხვა გზით შევეცდები ვაგებინოთ პასუხი, სამართლიანობის დამცველო, ბ-ნო ისარო.


მასწ. ილიკო მ. ქუთათელაძე.

P. S. ბ. ისარმა უკანასკნელ წერილს „ეშმ. მათრახში, 27 მარტს, გაუკეთა შენიშვნა: ეს წერილი იგზავნება რედაქციაში მეორეჯერ, პირველი გაგზავნილი იყო ოთხ თებერვალს, რომელიც, როგორც სჩანს დაკარგულა. 27 მარტსვე მოათავსა იმ წერილის ასლი,—ალბად მეტი შთაბეჭდილების მოსახდენად,—„მეგობარში“ შენიშვნით: ეს წერილი გაგზავნე ეშმ. მათრახის“ რედაქციაში ერთი თვის წინათ, მაგრამ არ ინება დაბეჭდვაო. ეგ შენიშვნები უკომენტარიოთ ნათელ ყოფს, თუ რა პიროვნებაა ბ. ისარი. ამიტომ ვთხოვ „მეგობარის“ რედაქციას გადაბეჭდოს ეს წერილი.

ი. ქ.*)

*) ამით ვსპობთ ამ საგანზე კამათს. „ეშმ. მართ.“ რედ.

გამოვიდა „ქნ“-ის ახალი ბლოკური კონსერვატიზმი, ლიბერალიზმი და სოციალიზმი. კანტორა „განათლებლის“ მიერ გამოცემული. ფასი 25 კაპ. აგენტებს დაეთმობათ 20 კ. საწყობი ოლლას ქუჩა № 6.



დილის ღოცვა.

მეუფეო, მბრძანებელო
 ბურის „სპეკულიაცისა“
 შეისმინე ეს ვედრება
 მამრისა და დიაცისა.

მოანიჭე, ხალხსა შენსა,
 პური მისი არსებისა,
 ნუ გავხდებით ჩვენ ზვარაკნი
 გაუმაძღარ ჩარჩებისა.

მოგვეც ძალა ცხოვრებისა,
 გავვიხურე თორნე ფურნე,

რომ განსაცდელს ავაშორო
 მოქალაქე და მეურნე.

უნუგემოთ შთენილნი ვართ,
 ვით ცხოვარნი უმწყესავად,
 გვედრები, ნუ გასწირავ
 ვიდრე ქალაქს ვყვეარ თავად.

რომ მილიონ ხალხის ბედსა
 ჩარჩი ფლობდეს და ხაბაზი
 თითონ ხელავ, მეუფეო,
 არ გამოდის ეგ ლამაზი.